



INFORMACIJA O ORGANIZOVANOVANJU I FUNKCIONIRANJU SISTEMA ZAŠTITE I SPAŠAVANJA I ZAŠTITE OD POŽARA NA PODRUČJU OPĆINE TEŠANJ ZA 2017. GODINU

U skladu sa utvrđenim i donesenim Programom rada Općinskog vijeća Tešanj za 2017. godinu, Općinsko vijeće jednom godišnje razmatra Informaciju o stanju organizovanosti zaštite i spašavanja ljudi i materijalnih dobara od prirodnih i drugih nesreća i zaštite od požara na području općine Tešanj. Informacija ima za cilj, da prikaže postojeće stanje organizovanosti snaga civilne zaštite i Profesionalne vatrogasne jedinice (PVJ), provedene mjere i ukaže na aktivnosti koje je potrebno poduzimati na daljnjem organizovanju, razvoju i jačanju civilne zaštite i PVJ na području općine Tešanj, u čemu značajno mjesto u provođenju politike, ciljeva i zadataka imaju Općinsko vijeće, Općinski načelnik i općinske službe. Ovdje se mora napomenuti da općina, kao jedinica lokalne samouprave ima centralno mjesto i ulogu u sistemu zaštite i spašavanja, iz razloga što se na području općine odvija ukupan život i rad ljudi i što su tu smještene sva materijalna i druga dobra.

I SISTEM ZAŠTITE I SPAŠAVANJA

1. MJERE I ZAŠTITA GRAĐANA

a) lična i uzajamna zaštita građana:

Lična i uzajamna zaštita predstavlja najmasoviji vid pripremanja i djelovanja u zaštiti i spašavanju i namijenjena je za ličnu zaštitu građana, koju ostvaruju sami građani i uzajamnu zaštitu koju ostvaruju takođe građani pružajući uzajamnu pomoć. Ona se sastoji se u tome, da je svaki građanin dužan prvenstveno preduzimati one mjere i aktivnosti da zaštiti sebe, svoje članove porodice i svoju imovinu, a ako bude u prilici i drugima da pruži neposrednu pomoć kojima je ta pomoć potrebna. Ovaj oblik zaštite trebao bi da se sprovodi u svim mjestima i sredinama u kojima građani žive i rade. Obuka građana za ličnu i uzajamnu zaštitu, realizuje se kroz razne vidove obuke i kroz razne strukture, a između ostalih provode ih i organi civilne zaštite. Treba napomenuti da je obukama obuhvaćen značajan broj građana, naročito ako se uzme u obzir da se obuke provode u školama sa učenicima kroz nastavne programe, radnici u preduzećima kroz redovne zakonske obuke, pripadnici civilne zaštite kroz redovne obuke kroz organe civilne zaštite, kao i značajan broj građana kroz razne vidove djelovanja nevladinih organizacija i pravnih lica koja se kroz svoju redovnu djelatnost bave segmentom zaštite i spašavanja.

U 2017. godini obučavanje građana od strane civilne zaštite je bilo usmjereno u dijelu provođenja mjere zaštite i spašavanja od požara, kao najčešćeg oblika ugrožavanja ljudi i materijalnih dobara i to sa:

- učenicima i nastavnicima osnovnih škola,
- mjesnim zajednicama o značaju i zadacima civilne zaštite, kao i ulozi povjerenika u MZ u provođenju aktivnosti i mjera zaštite i spašavanja,
- učesnicima u saobraćaju u saradnji sa Policijskom stanicom Tešanj;
- obaviještavanje putem medija o provođenju preventivnih mjera zaštite od požara i zaštiti od neeksplozivnih ubojnih sredstava (NUS),
- putem pisanih biltena, afiša i web stranice općine Tešanj.

U ostvarivanju navedenih aktivnosti, značajno mjesto imaju udruženja i organizacija poput Crvenog križa i dobrovoljnih vatrogasnih društava, gdje se putem istih provode obuka školske i vanškolske omladine.

b) mjere zaštite i spašavanja:

Mjere zaštite i spašavanja su organizovane radnje i postupci preventivne i operativne prirode, koje pripremaju i provode organi vlasti i sva pravna lica (nosioci zaštite i spašavanja) u skladu sa članom 42. Zakona o zaštiti i spašavanju. U 2017. godini osim operativnih mjera iz oblasti zaštite od požara nije bilo operativnih radnji iz drugih mjera. Poseban akcenat je bio na provođenju preventivnih mjera koje su realizovane prema sljedećem:

Sanacija klizišta

U katastru klizišta općine Tešanj, nakon prirodne nesreće iz 2014. godine vodi se 286 klizišta. Do sada je iz različitih izvora sredstava sanirano i stabilizirano ukupno 136 klizišta/odrona, iz prirodne nesreće 2014. godine ili 91% od broja klizišta (149) koji se svrstavaju u visoki i srednji nivo ugroženosti.

Prema Planu sanacije klizišta na području općine Tešanj u 2017. godini je izvršena sanacija 8 klizišta u 8 mjesnih zajednica koja su direktno ugrožavala infrastrukturu i stambene objekte, a koja su okarakterisana sa većim stepenom ugrožavanja i karakterističnim geološkim elementima. Vrijednost izvedene sanacije je 68.939,96 KM, a namjenska sredstva su osigurana u Budžetu Općine.

Uređenje vodotoka

Veoma značajne aktivnosti na provođenju preventivnih mjera zaštite od poplava vode se od 2013. godine sa posebnom dinamikom nakon poplava 2014. godine.

U skladu sa planiranim aktivnostima na provođenju preventivnih mjera zaštite od poplava u 2017. godini koje je predložila Služba civilne zaštite, kao i mjesne zajednice realizovane su aktivnosti koje su imale za cilj uređenje vodotoka u smislu čišćenja, produbljavanja, uklanjanja stabala iz korita, izgradnju obaloutvrda i drugih nepohodnih radnji. Ukupno je u 2017. godini očišćeno 4.030 metara vodotoka i izgrađeno 25 metara obaloutvrde. Sveukupno u proteklom periodu do sada je očišćeno, produbljeno, prošireno 15.000 m vodotoka i urađeno 657 m² obaloutvrde.

Provedene su sljedeće aktivnosti:

Čišćenje i uređenje vodotoka Lužnjak I faza, MZ Miljanovci-Lončari,

Čišćenje i uređenje vodotoka Lužnjak II faza, MZ Miljanovci-Lončari,

Radovi na sječenju i uklanjanju šiblja i drveća- Lužnjak , MZ Miljanovci –Lončari,

Izrada obaloutvrde – Trebačka rijeka- MZ Jablanica,

Čišćenje i uređenje vodotoka Radušica u MZ Rosulje,

Čišćenje i uređenje vodotoka Ježevac u MZ Kalošević i Bobare-Drinčići-Blaževci.

Vrijednost izvedenih preventivnih mjera je 19.509,40 KM.

Postojeći nivo zastupljenosti preventivnih mjera u ukupnim aktivnostima zaštite i spašavanja zauzima značajno mjesto, obzirom da od preventivnih mjera zavisi ublažavanje i sprečavanje nastalih prirodnih i drugih nesreća.

Uklanjanje NUS-a

Neeksplozivna ubojna sredstva (NUS) su sva tijela ili njihovi dijelovi koja u sebi sadrže eksplozivnu materiju, bojni otrov ili radiološku supstancu koja je sposobna da svojim aktiviranjem ugrozi život i zdravlje ljudi i životinja i utiče na okolinu koja ih okružuje.

Nadležnost općinske Službe CZ u ovoj oblasti je da po prijavi građana o nađenom NUS-u isti evidentira, izvrši izvidanje, obilježi lokaciju i obavijesti Sektor za deminiranje i uklanjanje neeksplozivnih ubojnih sredstava Federalne uprave CZ koji preduzima dalje aktivnosti na uklanjanju NUS-a angažujući svoje deminerske timove. Služba civilne zaštite i Tim za uklanjanje NUS-a (TUN tim) nemaju nadležnost nad uklanjanjem oružja.

Stanje na terenu sa aspekta zaštite od NUS-a pokazuje da se još u pojedinačnim slučajevima na području općine Tešanj mogu pronaći neeksplozivna sredstava. Prema broju prijava i broja uklonjenog NUS-a iz godine u godinu dolazi do smanjenja broja pronađenog NUS-a, ali je neophodno nastaviti provoditi preventivne i operativne radnje u okviru navedene mjere. U 2017. godini evidentirano je 21 prijava kojom prilikom je pronađeno i uništeno 106 komada NUS-a različitih vrsta i kalibara.

U okviru deminiranja, u 2017. godini izvršeno je deminiranje jednog projektnog zadatka koji se tiče kasetne municije na području Tešanjke (projekat KM-T-ID-0009), površine 24.684 m², koji je obuhvatao i uklanjanje NUS-a sa navedene površine.

Svakako da treba spomenuti da u toku 2017. godine na području općine Tešanj nije bilo minoincidenata, odnosno slučajeva stradanja ili ranjavanja građana, pripadnika TUN tima i uposlenika Službe civilne zaštite od zaostalog NUS-a, što svakako opravdava sve dosadašnje aktivnosti u provođenju preventivnih mjera zaštite od NUS-a.

2. ORGANIZACIJA CIVILNE ZAŠTITE

Sistem civilne zaštite Općine Tešanj kroz organizovane strukture prema utvrđenim formacijama broji 297 pripadnika, raspoređenih u sljedeće strukture:

- a) Općinski Štab civilne zaštite
- b) Službe zaštite i spašavanja
- c) Povjerenike civilne zaštite
- d) Jedinice civilne zaštite
- e) Službu civilne zaštite i
- f) Operativni centar civilne zaštite.

Trenutna popunjenost struktura civilne zaštite je 274 pripadnika.

a) Općinski štab civilne zaštite:

Općinski štab civilne zaštite (Štab CZ) je operativno-stručni organ civilne zaštite koji rukovodi upotrebom svih snaga i sredstava civilne zaštite i odlučuju o provođenju mjera zaštite i spašavanja na ugroženom području u cilju zaštite i spašavanja ljudi i materijalnih dobara. Štab CZ se angažuje onda kada nadležni organ vlasti proglasi nastanak neke prirodne ili druge nesreće, ili ako ista prijete području.

Štab redovno zasjeda i donosi odluke i zaključke koji se odnose na rad i funkcionisanje Štaba, organizaciju sistema zaštite i spašavanja na području općine, finansijsku i plansku dokumentaciju, kao i dokumente na provođenju mjera zaštite i spašavanja. Pored navedene sjednice Štab CZ je provodio i preporuke Federalnog štaba civilne zaštite koje su se odnosile na provođenje određenih mjera zaštite i spašavanja. Štab CZ je u 2017. godini bio popunjen u skladu sa formacijom koju čine komandant, načelnik i 9 članova.

b) Službe zaštite i spašavanja

Službe zaštite i spašavanja predstavljaju poseban organizacioni oblik civilne zaštite i organizuju se u okvirima pravnih lica koja kroz svoju redovnu djelatnost obavljaju poslove utvrđene i kroz nadležnosti civilne zaštite. Kroz sistem zaštite i spašavanja općine Tešanj, a u skladu sa Uredbom o organizovanju službi zaštite i spašavanja, organizovana je:

1. Služba prve medicinske pomoći,
2. Služba za zaštitu i spašavanje životinja,
3. Služba za spašavanje sa visina i iz ruševina,
4. Služba za asanaciju, čistoću i vodosnabdjevanje i
5. Služba zaštite od požara.

Tokom 2017. godine izvršena je redovno ažuriranje popunjenosti službi kroz ličnu i materijalnu formaciju.

Naziv službe	Formacija		Popunjenost			Starosna struktura				Pol		Stručna sprema			
	Vod	Odjeljenje	Po formaciji	Popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Služba zaštite i spašavanja iz ruševina	-	1	10	10	0	5	3	2	0	8	2	0	1	7	2
Služba medicinske pomoći	1	-	30	30	0	3	6	15	6	15	15	8	1	20	1

Služba za zaštitu životinja	-	1	16	7	9	3	4	2	1	7	-	3		4	-
Služba za asanaciju, vodosnabdjevanje i čistoću	1	-	41	41	0	7	20	11	0	40	1	4	0	21	16
Služba zaštite od požara	-	2	19	19	0	9	9	1	0	19	-	-	-	19	-
UKUPNO:	2	4	116	107	9	27	42	31	7	89	18	15	2	71	19

c) Jedinice civilne zaštite

Jedinice civilne zaštite predstavljaju osnovnu organiziranu snagu civilne zaštite i namjenjene su za izvršavanje zadataka zaštite i spašavanja i otklanjanja posljedica. Iste se organizuju u skladu sa Procjenom ugroženosti. Sistem zaštite i spašavanja Općine Tešanj ima organizovanu Jedinicu opće namjene veličine voda. Nema organizovanih jedinica specijalizovane namjene, obzirom da određene poslove istih vrše službe zaštite i spašavanja, kako općine, tako i kantona.

Naziv jedinice	Formacija		Popunjenost			Starosna struktura				Pol		Stručna Sprema			
	Vod	Odjeljenje	Po formacij	popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Opće namjene	1	-	32	16	16	4	8	4	0	16	0	0	0	12	4
UKUPNO:	1	-	32	16	16	4	8	4	0	16	0	0	0	12	4

d) Povjerenici civilne zaštite:

Povjerenik civilne zaštite je ovlašten da organizuje aktivnosti zaštite i spašavanja u pogledu preduzimanja lične i uzajamne zaštite i provođenja mjera u dijelu naselja, stambenim zgradama i drugim sredinama za koje je određen. Određeno je 125 povjerenika u 25 mjesnih zajedica. Svi povjerenici, njih 125 su imenovani donošenjem rješenja Općinskog načelnika. Takođe, u tri navrata izvršena je i obuka većine povjerenika CZ, obzirom da isti predstavljaju jedan od bitnijih segmenata na relaciji građani i operativne snage civilne zaštite.

e) Općinska služba civilne zaštite

Općinska služba civilne zaštite, koja ima status službe za upravu nadležna je u obavljanju upravnih, stručnih i drugih poslova zaštite i spašavanja, prema odredbi člana 31. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, br.: 39/03, 22/06 i 43/10“) i člana 17. Zakona o zaštiti od požara i vatrogastvu („Službene novine FBiH”, br: 64/09).

Uloga Službe civilne zaštite je ne samo da vrši konkretne poslove iz svoje nadležnosti, već prati ukupno stanje zaštite i spašavanja na području općine, informiše općinskog načelnika i općinsko vijeće o stanju i problemima u zaštiti i spašavanju, da inicira donošenje određenih mjera za izgradnju sistema, te koordinira i podstiče rad svih općinskih službi iz njihove nadležnosti u oblasti zaštite i spašavanja.

Stanje popunjenosti općinske službe civilne zaštite :

PO SISTEMATIZACIJI	21
Pomoćnik Općinskog načelnika za CZ	1
Odjeljenje civilne zaštite	3
Odjeljenje zaštite od požara i vatrogastvo-PVJ	11
POPUNJENO	15

U sastavu Službe civilne zaštite se nalazi i Odjeljenje za higijenu i održavanje koje broji 3 uposlena.

f) Operativni centar civilne zaštite „121“

Operativni centar civilne zaštite je organizovan u sastavu organa civilne zaštite i ovlašten je da prati stanje na području općine i prikuplja podatke o svim pojavama i opasnostima. Operativni centar civilne zaštite Općine Tešanj prema Pravilniku o organizovanosti i funkcionisanju operativnih centara radi osam sati dnevno (radim danom) i ima jednog uposlenog. Obzirom da su funkcionalno spojeni operativni centar civilne zaštite i vatrogasne jedinice, dojave i informacije mogu se primati 24 sata dnevno, što ga čini izdvojenog u odnosu na ostale općinske operativne centre u Federaciji. Podaci se prikupljaju od svih službi iz oblasti sigurnosti, zdravstva, komunalnih, elektro i telekomunikacijskih subjekata, iz oblasti privrede i društvenih djelatnosti i građana. Prikupljeni podaci se obrađuju, klasifikuju i distribuiraju nadležnim organima, susjednim operativnim centrima i operativnim centrima ZDK i Federacije i medijima.

U 2017. godini nastavljena je aktivnost na uspostavi radio-komunikacijskog sistema na području općine, koji obuhvata povezivanje svih subjekata koji na određen način učestvuju u redovnim i vanrednim aktivnostima zaštite i spašavanja, kao i samih struktura civilne zaštite. Posebno treba istaći povezivanje sa novoformiranim radio klubom „Pousorje“.

3. OPREMANJE I OBUČAVANJE

Funkcionalnost i efikasnost civilne zaštite u značajnoj mjeri zavisi od opremljenosti i obučenosti struktura civilne zaštite. Sistem zaštite i spašavanja se razvija u nekoliko pravaca koji se odnose na opremanje i obučavanje, planiranje i provođenje preventivnih i hitnih mjera. Ovi segmenti su kompleksni i zahtjevaju dugoročno planiranje i provođenje utvrđenih aktivnosti. U skladu s tim u 2017. godini donesen je novi Program razvoja zaštite i spašavanja za period 2017.-2021. godina, kojim su utvrđeni petogodišnji pravci razvoja, kao i programi i aktivnosti na razvoju i unapređenju zaštite i spašavanja. Obzirom da sistem zaštite i spašavanja općine Tešanj trenutno broji 274 pripadnika raspoređenih u strukturama civilne zaštite pristupilo se planskom opremanju svih struktura. Za sve pripadnike civilne zaštite nabavljena je lična radna oprema za rad u određenim uslovima sa propisanim oznakama i obilježijima. Nabavljena je dodatna oprema i sredstva za spašavanje i zaštitu od požara i poplava, za spašavanje na vodi, za asanaciju terena koja obuhvata i dezinfekciju, prvu medicinsku pomoć, a nabavljen je i značajan broj priručnih sredstava.

Obučavanje je dio aktivnosti koji se provodi uporedo sa opremanjem. U proteklom periodu u više navrata provedena je obuka povjerenika i službe zaštite od požara iz mjera zaštite od požara i spašavanja na vodi. Ostale službe zaštite i spašavanja provode redovne godišnje obuke kroz redovne aktivnosti unutar pravnih lica gdje su organizovane.

II ZAŠTITA OD POŽARA

1. UVOD

Zaštita od požara na području općine Tešanj organizovana je kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti od požara ZE-DO kantona (Sl. novine ZE-DO kantona broj: 5/11) i Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10).

2. ORGANIZACIJA VATROGASTVA NA PODRUČJU OPĆINE TEŠANJ

Vatrogasne snage za obavljanje vatrogasne djelatnosti na području općine Tešanj su:

- a) **Profesionalna vatrogasna jedinica Tešanj**, koja predstavlja **osnovne snage** za vatrogastvo;
- b) Služba zaštite od požara, koja predstavlja **dopunske snage** za vatrogastvo;
- c) Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“;
- d) Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i spašavanja na ugroženom području,

3. OPERATIVNO DJELOVANJE VATROGASACA

VATROGASTVO

Vatrogasna jedinica Tešanj u 2017. godini realizovala je svoje redovne obaveze na području općine Tešanj na površini od 163 km² i imala je **96 intervencija** gašenja požara i spašavanja ljudi i imovine.

Pregled popunjenosti PVJ Tešanj

Tabela br:1

Red. br.	FUNKCIJA	POTREBNO	POPUNJENO	STAROSNA STRUKTURA			
				Do 35	35-45	45-60	Od 60
1.	Starješina jedinice	1	-	-	-	-	-
2	Starješina grupe	5	4	-	2	2	
3.	Vatrogasac vozač	5	3	1	1	1	-
4.	Vatrogasac-serviser	2	1	-	-	1	-
5.	Vatrogasac	5	2	1	1	-	-
6.	UKUPNO:	18	10	2	4	4	0

Rad u jedinici se odvija u smjenama po 12 sati uz stalno dežurstvo u vatrogasnoj jedinici 24 sata dnevno sa po 2 člana smjene (starješina grupe i vatrogasac).

Prema Procjeni i Planu zaštite od požara općine Tešanj i Sistematizaciji radnih mjesta nedostaje 8 vatrogasaca.

U 2017. godini u stalni radni odnos, nije primljen niti jedan vatrogasac, jedan vatrogasac je poslije dužeg bolovanja vratio se na posao ali je ocijenjen od strane komisije da ne može obavljati poslove vatrogasca i vjerovatno će biti preraspodijeljen na druge poslove.

Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“ trenutno nisu u punom kapacitetu u pružanju podrške u gašenju požara, zbog fluktuacije članova društva (odlazaka i dolazaka novih), njihove obučenosti, ne može se uspostaviti stalan i isti broj pripadnika jedinice zop-a.

U 2017. godini odlučujući po zahtjevu Načelnika općine Tešanj, Ustavni sud Federacije BiH donio je presudu u korist općine Tešanj.

Načelnik općine Tešanj je Ustavnom sudu Federacije BiH podnio zahtjev za zaštitu prava na lokalnu samoupravu u vezi primjene člana 114. Zakona o zaštiti od požara i vatrogastva (odnosi se na uvećanje plaća vatrogasaca po osnovu posebnih uslova rada), gdje je sud utvrdio da je povređeno pravo na lokalnu samoupravu općine Tešanj, jer su joj nametnute obaveze bez dodjele sredstava za njihovo djelotvorno obavljanje. U skladu sa navedenom presudom pokrenuta je procedura izmjene Zakona o zaštiti od požara koja je u završnoj fazi.

4. OPREMLJENOST VATROGASNE JEDINICE

Vozni park ove jedinice je prilično star i u narednom periodu potrebno je uložiti dodatne napore na nabavci novih vozila.

Opremljenost PVJ (vozila)

Tabela: 2

Red. Br.	Marka i tip vozila	Namjena vozila	God. proizv.	Sadržaj vozila			Starost Vozila (godine)
				Voda	Prah	Pjena	
1.	*MAN 520	Auto ljestve	1997				21
2.	MERCEDES 2400	Navalno	1972	2500			44
3.	FAP-1616	Kombinovano	1981	4500	1000	500	35
4.	MERCEDES 5000	Navalno	1984	5000		500	32
5.	MAN-12000	Cisterna	2001	12000			15

6.	BAGER	Radno	2003			13
7.	CADY -teretno	Teretno	2008			8
8.	ŠKODA ROOMSTER	Putničko	2010			6
9.	FORD TRANSIT	Malo navalno vozilo	2013	1000	100	3
10.	FORD RANGER	Malo tehničko vozilo	2013	150		3

* Općina Tešanj je u 2017. godini pokrenula nabavku za vatrogasne autoljestve, a završena je u 2018. godini. Moramo napomenuti da su ranije autoljestve koje smo imali na raspolaganju bile 1962. godište, tj. starosti 56 godina. Obzirom na njihovu starost, stalne popravke, zamor materijala, nemogućnosti obezbjeđenja rezervnih dijelova, kvarovi ... došlo je do odluke da se ide u nabavku drugih ljestva, što je općina i uradila.

Pregled opreme PVJ (ovo je samo jedan dio opreme kojim raspolaže PVJ)

Tabela: 3

Red. Br.	Naziv opreme	Komada	Stanje opreme	Napomena
1.	Gumeni čamac sa motorom	1	Polovno-ispravno	
2.	Gumeni čamac bez motora	1	Novo-ispravno	
3.	Odiijelo za spašavanje navodi	6 kompleta	Novo	
4.	Vatrogasna zaštitna lična oprema za vatrogasca	12 kompleta	Ispravno,	
5.	Pumpe za vodu električne, muljarice	4	Novo	
6.	Pumpe za vodu motorne prenosne	4	Ispravne	Dvije nove, dvije starije
7.	Naprtnjače (leđne sprave za gašenje šumskih požara)	20	Novo	
8.	Izolacioni/dišni aparati	15	Ispravno,	5 novo, 10 polovno

Započeta je nabavka skupne vatrogasne opreme, vatrogasna crijeva, mlaznice, leđni uređaj za gašenje, motorna pila, agregat.

U narednom periodu potrebno je raditi na nabavci: zamjena postojećeg vatrogasnog vozila za gašenje požara u industriji i drugo znavljanje opreme.

Sva ova vozila su tehnički ispravna i registrovana i redovno se održavaju. Kod servisiranja dolazi do problema zbog starosti i nedostatka rezervnih dijelova. Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.

5. STANJE ZAŠTITE OD POŽARA

Pregled intervencija gašenja požara 2010-2017. godina

Tabela: 4

Vrste požara	2010.	2011.	2012.	2013.	2014.	2015.	2016.	2017.
STAMBENI OBJEKAT	11	15	19	13	10	17	10	22
SAOBRAČAJNI UDESI-	6		5	6	9	11	5	7

POŽARI								
POMOĆNE ZGRADE	2	5	8	8	4	4	6	8
ŠUMA I NISKO RASTINJE	5	62	84	13	15	22	6	24
POSLOVNI OBJEKTI	4	7	7	8	6	6	1	5
GUME I OTPAD	1	2	4	7		3	1	13
SIJENO	1						1	
PLINSKA BOCA	1						6	
OSTALO	15	4			6	1	7	14
UKUPNO	46	95	127	55	50	63	43	93

Pod stavkom "ostalo", za 2017. godinu, većim dijelom se odnosi na prirodne nesreće koje su se desile u mjesecu decembru 2017. godine a odnose se na intervencije vezano za olujni vjetar koji je tad se desio.

Kod pregleda vatrogasnih intervencija je potrebno imati na umu da jedna intervencija može biti jako zahtjevna i teška sa dosta ugroženih ljudi i materijalnih dobara , a da za posljedicu može imati, nastradale i veliku štetu na materijalnim sredstvima.

6. ZAŠTITA OD POŽARA (PREVENTIVA)

a) APARATI ZA POČETNO GAŠENJE POŽARA

Vatrogasna jedinica Tešanj u 2017. godini servisirala je 8327 vatrogasnih aparata različitih vrsta i tipova aparata.

b) HIDRANTSKA MREŽA

Prema Zakonu i Pravilniku javno preduzeće koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati propisni kapacitet i pritisak vode u hidrantskoj odnosno vodovodnoj mreži za potrebe gašenja požara, tj. „ javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju za javni vodovod nadležnost KP „RAD“ DD Tešanj, a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2017. godinu:

Tabela br: 5

Red. br.	MJESTO	BROJ HIDRANATA			VRSTA HIDRANTA	NAPOMENA
		ISPRAVNI	NEISPRAVNI	UKUPNO		
1.	Tešanj	21	1	22	Podzemni	Nije zamijenjen.
2.	Jelah	11	/	11	Podzemni	
3.	Jelah-polje	3	/	3	Podzemni	
4.	Vukovo	3	/	3	Podzemni	
5.	Čifluk	2	/	2	Podzemni	
6.	Potočani	2	/	2	Podzemni	
7.	Miljanovci -Lončari	31	5	36	Podzemni	
8.	Miljanovci Novi	23	0	23	Podzemni	
9.	Piljužići	9	5	14	Podzemni	
	UKUPNO:	105	11	116		

VODOVOD „ROSSA” DOO					
11.	Novo selo	3	1	4	Nadzemni
12.	Žabljak	1	/	1	Nadzemni
13.	Rosulje	8	0	8	Nadzemni
14.	Ljetinić	4	0	4	Nadzemni
15.	Medakovo	1	0	1	Nadzemni
UKUPNO:		17	1	18	
SVEGA:		122	12	134	

9. ZAKLJUČCI I PRIJEDLOZI ZA POBOLJŠANJE RADA


Civilna zaštita je nosilac sistema zaštite i spašavanja i ujedno čini njen dio i zasnovana je na međunarodnim principima pomoći i načelima organizovanja. Zbog toga i područje zaštite i spašavanja zahtjeva stručan i detaljan pristup u fazi prevencije, odnosno detaljno planiranje i osiguravanje funkcije upravljanja za situacije kada su ugroženi ljudski životi i materijalna dobra. Na taj način Općina Tešanj mora posebnu pažnju posvećivati razvoju i jačanju sistema zaštite i spašavanja kroz:

ZAKLJUČCI :

- Nastavak obučavanja struktura civilne zaštite,
- Provođenje preventivnih mjera u cilju ublažavanja i sprečavanja nastanka prirodnih i drugih nesreća,
- Primiti u vatrogasnu jedinicu vatrogasce pripravnike, kako bi podmladili jedinicu i kako bi stekli uslove da polažu ispit za profesionalne vatrogasce,
- Opremanje struktura civilne zaštite i pružanje podrške drugim strukturama u provođenju priprema i izvršavanju zadataka u zaštiti i spašavanju,
- Izradu procedura djelovanja struktura civilne zaštite sa ostalim učesnicima u zaštiti i spašavanju,
- Nabavku vozila, opreme i drugih materijalnih sredstva, prema potrebi Vatrogasne jedinice i u skladu sa finansijskim mogućnostima,
- Edukaciju profesionalnih vatrogasaca sa posebnim akcentom na edukaciju mladih vatrogasaca i edukaciju iz specijalističkih oblasti zaštite i spašavanja,
- U saradnji sa JP „RAD“ DD Tešanj po prioritetu Vatrogasne jedinice osim održavanja i ispitivanja, gdje je neophodno, instalirati nove hidrante u skladu sa finansijskim mogućnostima,
- U saradnji sa JP „RAD“ DD Tešanj, evidentirati poziciju hidranata putem GPS-a i izraditi elektronsku kartu, te izvršiti njihovo popisno obilježavanje
- Podršku jačanju i osposobljavanju dobrovoljnih vatrogasnih jedinica formiranih u dobrovoljnim vatrogasnim društvima,
- Koordinacijom sa višim strukturama civilne zaštite obezbijediti lociranje potrebne opreme na prostoru općine Tešanj,
- Redovno informisati javnost o obavezi provođenja preventivnih mjera, radnji i postupaka u okviru provođenja lične i uzajamne zaštite građana.


OBRADIVAC:

SLUŽBA CIVILNE ZAŠTITE
Mr. sig. Mensur Saletović, prof.



PREDLAGAČ:

OPĆINSKI NAČELNIK
Mr. Sc. Suad Huskić



Datum: 20.04.2018. godine
Broj: 02-44-5-1028/18

